

Ўзбекистон Республикаси Президентининг Қ А Р О Р И МУБОРАК РАМАЗОН ОЙИНИ МУНОСИБ ТАРЗДА ЎТКАЗИШ ТЎҒРИСИДА

Халқимиз учун эзгулик, саховат, меҳр-шафқат рамзи ҳисобланган муборак Рамазон ойининг ижтимоий ҳаётимизда ўзаро аҳиллик ва ҳамжиҳатлик муҳитини янада мустаҳкамлаш борасидаги алоҳида ўрни ва аҳамиятини инобатга олган ҳолда ҳамда муқаддас ислом динининг инсонпарварлик моҳиятини, унинг тинчлик, бағрикенглик, шукроналик каби олижаноб ғояларини кенг тарғиб этиш, диний-маърифий қадриятларимизни асраб-авайлаш ва улуглаш мақсадида:

1. 2018 йил муборак Рамазон ойининг бошланиши 17 май кунига тўғри келиши ҳақидаги Ўзбекистон мусулмонлари идорасининг ахбороти маълумот учун қабул қилинсин.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Ўзбекистон фахрийларининг ижтимоий фаолиятини қўллаб-қувватлаш “Нуроний” жамғармаси, Фуқароларнинг ўзини ўзи бошқариш органлари фаолиятини мувофиқлаштириш бўйича Республика кенгаши ва бошқа жамоат ташкилотлари билан биргаликда Рамазон ойини азалий анъана ва қадриятларимиз руҳида ҳар томонлама муносиб ўтказиш билан боғлиқ чора-тадбирларни амалга оширсин.

Жойларда Рамазон ойининг мазмун-моҳиятида мужассам бўлган эзгу ғоялар, динимиз арконларини эъзозлаш, ҳозирги тинч ва осуда ҳаётимизнинг қадрига етиш, одамларни бири-бирига яхшилик қилишга, аҳил ва ҳамжиҳат бўлиб яшашга даъват этадиган, ёш авлодимизни Ватанга муҳаббат, миллий ва диний қадриятларимизга ҳурмат руҳида тарбиялашга хизмат қиладиган маърифий тадбирлар ва тарғибот ишлари ташкил этилсин.

Ушбу муқаддас ойда ёрдамга муҳтож ва эҳтиёжманд кишиларни ҳар томонлама қўллаб-қувватлаш, оилалар ва маҳаллаларда меҳр-оқибат ва ўзаро ҳурмат муҳитини мустаҳкамлаш, буюк алломалар, азиз-авлиёларимизнинг зиёратгоҳларини, қабристонларни ободонлаштиришга қаратилган тадбирларни янада кучайтиришга алоҳида аҳамият берилсин.

3. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Рамазон ойини ўтказиш билан боғлиқ тадбирларни кенг ёритиш тавсия этилсин.

4. Мазкур қарорнинг ижросини назорат қилиш Ўзбекистон Республикасининг Бош вазири А. Н. Арипов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент шаҳри,
2018 йил 11 май

Ўзбекистон Республикаси Президентининг Қ А Р О Р И АЛЛЕРГИК КАСАЛЛИКЛАРНИ ПРОФИЛАКТИКА ҚИЛИШ, УЛАРГА ТАШХИС ҚЎЙИШ ВА ДАВОЛАШНИ ТУБДАН ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Мамлакатимизда соғлиқни сақлаш тизимини ислоҳ қилиш бўйича комплекс чора-тадбирлар амалга оширилмоқда, ихтисослаштирилган, шоти-линч ва тез тиббий ёрдамни, фуқароларнинг соғлигини сақлаш ва мустаҳкамлаш соҳасидаги фаолият-ни такомиллаштиришга доир бир қатор норматив-ҳуқуқий ҳужжатлар қабул қилинди.

Эришилган ижобий натижаларга қарамай, аллергия касалликларига ташхис қўйиш, уларни даволаш ҳамда профилактика қилиш соҳасида жид-дий муаммо ва камчиликлар сақланиб қолмоқда. Хусусан:

биринчидан, аллергиянинг фундаментал ва амалий асослари амалий тиббиётдан ажралган ҳолда ривожланиши принциплари янги, мо-лекуляр даражада аллергия касаллик-ларига ташхис қўйиш ва даволашнинг замонавий усулларини амалиётга кенг жорий этишга ҳамда қўллашга

етарлича эътибор қаратиш имкони-ни бермаёпти;

иккинчидан, тиббиёт муассасалари-ни даволаш-диагностика аллержлари билан таъминлашдаги камчиликлар тиб-биёт амалиётида антибиотиклар, антигистамин ва гормонал дори воси-таларининг асоссиз равишида кенг қўлланилишига олиб келмоқда;

учинчидан, жойларда аллергия касалликларининг бирламчи ва икки-ламчи олдини олиш, ихтисослашган аллергиялогик ёрдамни таъминлаш борасида зарур чора-тадбирлар қўрилмаёпти, оқибатда беморлар вилоят марказларида ва республиканинг пойтахтида даволашишга мажбур бўлмоқдалар;

тўртинчидан, мазкур соҳада кадр-ларни тайёрлаш ва уларнинг мала-касини ошириш тизими замон талаб-ларига жавоб бермайди, бунинг оқибатида тиббиёт муассасаларини малакали врач-аллерголог ва имму-

нологлар билан тўлдириш қониқар-сиз аҳволда қолмоқда;

бешинчидан, ахборот тўплаш, таҳлил қилиш ва алмаштириш, ишончли статистик ҳисобот юритишнинг самарали механизми йўлга қўйилма-ган, аллергиялогик ёрдам кўрсатиш соҳасида тиббиёт муассасаларининг ихтисослашган бўлимларини назорат қилиш ва мувофиқлаштириш бўйича ягона тизим мавжуд эмас;

олтинчидан, тиббиёт муассаса-ларининг, жумладан, Республика ил-мий ихтисослаштирилган аллергияло-гия марказининг моддий-техника ба-заси, замонавий тиббиёт ускуналари билан жиҳозланганлик даражаси аллергия касалликларга самарали ташхис қўйиш ва уларни даволаш имконини бермайди.

Ихтисослаштирилган аллергиялогик ёрдам кўрсатишни такомиллашти-риш, унинг сифатини яхшилаш ва ун-дан фойдаланиш имкониятларини

кенгайтириш, аллергия касалликлар-га ташхис қўйиш ва уларни даволаш-да илғор услубларни жорий этиш, шунингдек, соҳада фаолият кўрсату-чи тиббиёт муассасаларининг мод-дий-техника базасини ва кадрлар са-лоҳиятини мустаҳкамлаш мақсадида:

1. Қуйидагилар Ўзбекистон Республикаси Соғлиқни сақлаш ва-зирлиги Республика илмий-ихтисос-лаштирилган аллергиялогия маркази-нинг асосий вазифалари ва фаолият йўналишлари этиб белгилансин:

аллергология соҳасида фундамен-тал ва амалий тадқиқотлар олиб бориш асосида аллергия касалликларини профилактика қилиш, уларга молеку-ляр ташхис қўйиш ва даволаш бўйича ягона марказлаштирилган тизимини яратиш ҳамда аллергия касалликларни эрта аниқловчи скрининг дастурларни барча жойларда босқинча-босқич жорий этиш;

(Давоми 2-бетда).

Фракциялараро муҳокамалар: АВТОМОТОТРАНСПОРТ ВОСИТАЛАРИ ИЖАРАСИ ХИЗМАТИ КИМЛАРГА БЕРИЛАДИ?



Парламентдаги мухбиримиз хабар қилади

Фан, таълим, маданият ва спорт масалалари қўмитаси томонидан сиёсий партиялар фракциялари вакиллари, тегishли идоралар мутасад-дилари, соҳа мутахассислари

Шу кунларда парламент куйи палатаси қўмиталарида қатор қонун лойиҳалари кенг муҳокама қилинмоқда. Вазирлар Маҳкамаси томонидан киритилиб, Қонунчилик палатасида биринчи ўқишда қабул қилинган “Ўзбекистон Республикаси Фуқаролик кодексининг 565-моддасига қўшимчалар киритиш тўғриси-да”ги қонун лойиҳаси ана шулардан биридир.

иштирокида кенгайтирилган тарзда ўтказилган тадбирда ушбу ҳужжат нормалари юзасидан кизгин фикр алмашилди. Мамлакатимизда миллий туризм индустриясини, автомобилотранспорт восита-ларининг ижара бозорини ривожлантириш долзарб аҳамият касб этиб, ушбу соҳага эҳтиёж тобора орт-

моқда. Адлия вазирлиги бошқарма бошлиғи Алишер Каримовнинг маълум қилишича, транспорт воси-таларини ижарага бериш масалалари нотариал тас-диқлаш талаб этиладиган битимлар турига киритил-ган. Жаҳон тажрибасидан аёнич галда қулайлик яратиш мақсадида уларга авто-транспорт воситаларидан фойдаланишда ҳеч қандай ортиқча маъмурий чекловлар, тўсиқлар белгиланмаган.

(Давоми 2-бетда).

Ўзбекистон учун инсон ҳуқуқлари ҳимояси устувор бўлиб қолаверади

Президентимизнинг жорий йил 5 май куни имзоланган “Инсон ҳуқуқлари умумжаҳон декларацияси қабул қилинганининг 70 йиллигига бағишланган тадбирлар дастури тўғрисида”ги Фармони мазмун-моҳияти замирида, аввало, халқимиз турмуш фаровонлигини яхшилаш, мамлакатимизда миллатлараро тотувлик ва диний бағрикенглик муҳитини мустаҳкамлаш, жамиятда қонун устуворлиги тамойилини тўлиқ жорий этиш мақсади муҳассамлиги билан аҳамиятлидир.

ДЕПУТАТ ФИКРИ

Ўзбекистон Инсон ҳуқуқла-ри умумжаҳон декларация-сида белгиланган асосий қоидаларни миллий қонунчи-ликка имплементация қилган. Эътиборлиси, юртимизда шу

асосда инсон ҳуқуқларини таъминлаш ҳамда ҳимоя қилиш борасида ўзига хос миллий тизим яратилди ва бу масалада махсус миллий институтлар ташкил этилди.

Фармон билан тасдиқлан-ган Инсон ҳуқуқлари умумжа-ҳон декларацияси қабул қилинганнинг 70 йиллигига бағишланган Тадбирлар дас-турида давлат, жамият ва фу-

қароларнинг Инсон ҳуқуқлари умумжаҳон декларациясининг тамойиллари ҳамда қадрият-ларига эътиборини қучайти-риш, шунингдек, инсон ҳуқуқлари ва эркинликларини ишончли муҳофаза этишни таъминлашга қаратилган тақшилий-ҳуқуқий ҳамда бошқа чоралар тизимини янада такомиллаштириш, шу-нингдек, қонунчиликка ва давлат органларининг амалий фаолиятига инсон ҳуқуқлари ҳамда эркинликлари соҳаси-да халқаро стандартларни имплементация қилиш меха-низмида ва тартиби самара-дорлигини ошириш мақсадида аниқ вазифалар белгиланди.

(Давоми 3-бетда).

Ўзбекистон — АҚШ: САВДО-ИҚТИСОДИЙ ҲАМКОРЛИК ЯНАДА РИВОЖЛАНАДИ

Хабар қилинганидек, жорий йил 15 — 17 май кунлари Ўзбекистон Республикаси Президенти Шавкат Мирзиёев расмий ташриф билан Америка Қўшма Штатларида бўлади. Музокаралар чоғида қатор долзарб масалалар билан бирга, амалий шериклики кенгайтириш ва ўзбек иқтисодиётига АҚШ сармоялари ҳамда технологияларини жалб этиш билан боғлиқ масалалар ҳам муҳокама қилиниши кутилмоқда. Ушбу муҳим воқеа араф-сида “Жаҳон” ахборот агентлиги Ўзбекистон — Америка савдо алоқаларининг замонавий ҳолати ва истиқболларини таҳлил этди.

Америка Қўшма Штатлари кўпгина иқтисодий ҳамда бошқа кўрсаткичлар бўйича сайёраимиздаги етакчи мам-лакат бўлиб қолмоқда: маса-лан, 2017 йил якунлари бўйи-ча ялпи ички маҳсулот 18 триллион доллардан ошди. АҚШ дунёнинг энг ди-версификациялашган постин-дустриал иқтисодиёти бўлиб, унда юқори ишлаб чиқариш кучига эга инновациялар тар-моғи устун аҳамиятга эгадир. Мамлакат илмий-техникавий тараққиёт натижаларини ин-дустрияга татбиқ этиш, ўз кашфиётларига лицензиялар-ни экспорт қилиш, ихтиро ҳамда энг янги ишланмалар борасида етакчи давлат са-налади. Америка ялпи ички маҳсулотининг катта қисми бир неча йиллардан буён хизмат кўрсатиш соҳаси тар-моқлари ҳисобидан шаклла-ниб келяпти.

Ўз навбатида, Марказий Осиёнинг юрағида жойлаш-

ган, минтақанинг барча мам-лакати ва Афғонистон билан чегарадош бўлган Ўзбекистон изчил ўсувчан иқтисодиёт ҳамда катта истеъмол бозо-рига ва табиийки, барча қўшни давлатлар бозорига чиқиш йўлига эгадир. Арзон, бироқ юқори малакали ишчи кучи ҳамда жадал ривожла-наётган инфраструктурага эга бўлган республика ўта истиқ-болли сармоявий шерик ҳисобланади.

Шунинг учун Тошкент ва Вашингтон ўзаро муносабат-ларда савдо-иқтисодий ал-машувларни қучайтиришга устувор аҳамият бермоқда. 1993 йилдан буён савдо му-носабатларида энг қулай ша-роит яратиш режими амал қилаяпти. 2006 йили имзо-ланган АҚШ — Марказий Осиё давлатлари ўртасида савдо ва сармоялар бўйича доиравий битим (United States — Central Asia Trade and Investment Framework

Agreement, TIFA) ҳам ўзаро амалий алоқаларни ривож-лантиришга кўмаклашаётир.

2017 йил сентябрь ойи-да Нью-Йоркда БМТ Бош Ассамблеясининг 72-сессия-си доирасида Ўзбекистон Президенти Шавкат Мирзиёев АҚШ бизнес доиралари вакиллари билан қатор самарали учрашувлар ўтказ-гани баробарида, Америка-нинг юздан зиёд етакчи компаниялари иштирокида Ўзбекистон — АҚШ бизнес форумида ҳам қатнашди. Тадбир якуни бўйича АҚШ компаниялари билан нефть-газ ва нефть-кимё жабҳаси, машинасозлик, электротех-ника саноати ҳамда фуқаро авиацияси соҳаларини қам-раб олган, умумий қиймати 2,6 миллиард АҚШ долла-рига тенг бўлган йирик ҳуж-жатлар тўплами имзоланди. 2017 йил февралда худди шундай бизнес форуми Тош-кентда ҳам ўтказилган эди.

Қўшма дастурлар ва турли жаҳаллардаги лойиҳа-ларни илгари суришда Америка — Ўзбекистон савдо палатасининг ҳисса-сини алоҳида айтиб ўтиш жоиз. 1993 йили ташкил топган мазкур ассоциация икки мамлакат ишбилармон доиралари ўртасида ишонч-ли кўприк вазифасини ўтамоқда.

(Давоми 3-бетда).

ТАРИХИЙ ТАШРИФГА ҚИЗГИН ҲОЗИРЛИК КЎРИЛМОҚДА

Президентимиз Шавкат Мирзиёевнинг 2018 йил 15 — 17 май кунлари Америка Қўшма Штатларига амалга оширадиган илк расмий ташрифи айни пайтда жаҳон оммавий ахборот воситалари, хусусан, АҚШ матбуоти, интернет нашрларида асосий мавзуга айланган.

Масалан, Ок уй расмий веб-сайтида мазкур ташриф тарихий, дея атайиб, Ўзбе-кистон ва АҚШ ўртасидаги ҳамкорлик муносабатлари шу асосда янги босқичга кўта-рилиши таъкидланган.

Ҳақиқатан ҳам, ташриф дастури кенг қамровли ҳамда Америкада мазкур учрашув-га қизгин тайёргарлик қўрил-моқда. Олий даражадаги музокараларда Ўзбекистон — АҚШ ҳамкорлигининг ҳолати ва уни ривожлантириш истиқ-болларини муҳокама қилиш, халқаро ҳамда минтақаий аҳамиятга молик долзарб масалалар юзасидан фикр алмаштиш режалаштирилган. Вашингтонда давлатимиз раҳбари, шунингдек, АҚШ Конгресси, Мудофаа вазир-лиги ва Давлат департамен-ти ҳамда Жаҳон банкда икки томонлама учрашувлар ўтқа-зади. Расмий ташриф якуни-да икки мамлакат Президент-лари “Ўзбекистон ва Америка Қўшма Штатлари: стратегик шериклик янги даврининг бошланиши” деб номланган Қўшма баёнотни имзолаши,

турли соҳалардаги ўзаро муносабатлар-ни янада мустаҳкам-лашга қаратилган ҳужжатлар тўплами-нинг қабул қилиниши кутилмоқда.

Ўзбекистон Р е с п у б л и к а с и Президенти Матбуот хизмати хабарига кўра, ана шу жараён АҚШнинг “CNN”, “ABC” каби нуфузли телеканаллари, мам-лакатимизнинг 80 га яқин оммавий ахбо-рот воситалари ва-киллари томонидан ёритиб борилади. Шунингдек, ташриф арафасида АҚШда бир қанча тадбирлар, учрашувлар, таниқли эксперт-лар, сиёсатчилар билан мулоқотлар ўтказиш режа-лаштирилган.

Америка — Ўзбекистон савдо палатаси офисида иқтисодий ҳамкорликка оид икки томонлама ҳужжатлар имзолаш, “Ўзбекнефтгаз” ҳамда “Ўзкимёсаноат” компа-ниялари билан “Honeywell”

Халқ сўзи Народное слово йўлланмаси билан



Вашингтондан махсус мухбиримиз Шавкат ОРИТҚОВ хабар қилади.

компанияси раҳбариятининг мулоқоти, “Human Rights Watch” ташкилоти вакиллари брифинги, “Ўзбекистоннинг янги қиёбаси” китобининг тақдими, “McDermott Will & Emery LLP” юридик компания-си раҳбарияти билан учрашув, Кеннан институти, музей-лар фаолияти билан танишиш ва бошқа қўллаб аянжуман-лар шулар сирасидандир.

(Давоми 3-бетда).

ОИЛА ҚЎРҒОНИГА ДАРЗ КЕТМАСИН

Оила — киши тафаккури, маънавияти шаклланадиган, унинг жамиятдаги ўрнини белгилаб берадиган, қолаверса, қадриятларни асрдан-асрларга олиб ўтишда бош омил ҳисобланувчи муҳим ижтимоий муҳитдир.

Ўртимизда оилаларни мустаҳкамлаш борасидаги давлат сиёсатининг афзаллиги шундаки, давлат оилани ўзига хос суверен тузилма сифатида қадрлайди, унинг ички ишларига аралашмайди, лекин муайян сабабларга кўра, оилада баъзи қийинчиликлар, муаммолар юзага келган бўлса, оила аъзолари фуқароларнинг ўзини ўзи бошқариш органларига мурожаат қилиш орқали ўз манфаатларини муҳофаза этишлари, зарур ҳолларда эса давлатнинг мададидан баҳраманд бўлишлари мумкин.

Сенатор мушоҳадаси

Оила масаласи давлатимизнинг доимий эътиборида. Харакатлар стратегиясини Фаол тадбиркорлик, инновацион ғоялар ва технологияларни қўллаб-қувватлаш йилида амалга оширишга оид Давлат дастури барча соҳадаги давлат сиёсатини янги босқичга кўтаришда муҳим дастуриламал бўлиб хизмат қилмоқда. Хусусан, Давлат дастурида оғир маиший шароитларда яшаётган, боқувчисини йўқотган, ногиронлиги бўлган шахсларни парвариш қилаётган оилаларга ижтимоий ёрдам кўрсатишга қаратилган қатор тадбирларнинг белгилангани халқимизнинг ўлмас қадриятларига ҳосидир. Қувонарлиси, жорий йилда ҳам аҳолининг турли қатламлари учун арзон ҳамда сифатли уй-жойлар қуришга алоҳида эътибор қаратилмоқда. Аҳоли, айниқса, ёш оилалар, эски йўларда яшовчилар ва бошқа тоифадаги фуқароларнинг эҳтиёжи муттасил ошиб бораётганидан келиб чиқиб, арзон ҳамда сифатли уй-жойлар қуриш кўлами

1,5-2 баробар оширилиши назарда тутилган.

Шу билан бирга, Президентимиз Шавкат Мирзиёевнинг 2018 йил 2 февралдаги “Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида”-ги Фармонида хотин-қизлар турмушини яхшилаш, жамиятимиз таянчи бўлган оилани мустаҳкамлаш борасида мамлакатимиз олдида турган энг муҳим вазифалар, бугун ҳамда келгусида қилишимиз лозим бўлган ишлар аниқ, лўнда белгилаб берилган.

Мазкур ҳужжатга мувофиқ, хотин-қизларни ҳар томонлама қўллаб-қувватлаш, ёрдамга муҳтож бўлган ва оғир ижтимоий аҳволга тушиб қолган аёлларни иш билан таъминлаш, айниқса, қишлоқларда яшаётган ёш қизларни тадбиркорликка кенг жалб этиш мақсадида Хотин-қизларни ва оилани қўллаб-қувватлаш жамоат фонднинг таш-

кил қилиниши нур устига нур бўлиди.

Бу ҳақда гап кетганда, бир ҳафта тўхталмасликнинг иложи йўқ. Оналик ҳамда болалиқни ижтимоий муҳофазалаш борасида мақтовга арзигулик ишлар амалга оширилганига қарамасдан, оила ва турмуш муносабатларида, ота-оналарнинг фарзанд тарбияси масаласида бефарқлиги ҳолатларининг ҳали ҳам мавжудлиги, албатта, ачинарлидир. Маълумотларга қараганда, ўтган йили назоратсиз қолган вояга етмаганларнинг 39 минг 327 нафар ота-онасига нисбатан чоралар қўрилган. Республикаимиз бўйича ички ишлар органлари профилактик ҳисобида турган оила-турмуш муносабатлари доирасида ҳуқуқбузарликлар содир этувчи шахслар 2016 йилда 16673 тани, 2017 йилда 12932 тани ташкил этган бўлиб, 3741 та қамайган. Суд органларига ота-оналик ҳуқуқидан маҳрум қилиш тўғрисида материаллари тақдим этилган ота-оналар сони 2016 йилда 88 тани, 2017 йилда

64 тани ташкил қилиб, аввалгидан қамайган бўлса-да, бу рақамлар ҳар биримизни чуқур ўйга толдиради.

Ота-оналик ҳуқуқидан маҳрум бўлганларнинг фарзандлари давлатимиз қарамоғида — Меҳрибонлик уйлари ҳамда Болалар шашарчаларида тарбияланмоқда. Бундай болалар сони 2016 йилда 536 нафарни ташкил этган бўлса, 2017 йилда 677 нафарга етгани, қамайиш ўрнига 141 нафар ортгани ташвишланарли ҳол, албатта. 2017 йилнинг 1 январь ҳолатига кўра, 34 мингга яқин болалар фарзандликка берилган.

Мамлакатимиз аҳолисининг деярли юз фоизи оилаларга биравлашиб яшайди. Оилага биравлашиб аниъанаси, аввало, никоҳ, тўй-танталардан бошланади. Бу тадбир орқали оила қурилганини яқинларга маълум қилиб, ўз орзу-хавасларини рўёбга чиқарадилар. Афсуски, бугунги кунда айрим ҳудудларда баъзи қимсаларга эргашиб қарзга ботиб, қимўзарга тўй қилаётган ота-оналарнинг кўпайиб бораётгани, оқибатда оилавий ҳаловатини йўқотаётгани бутун жамоатчиликни ташвишга солмоқда. Ачинарлиси шундаки, тўйдан ҳеч қанча вақт ўтмасдан, содир бўлаётган оилавий можаролар, ажралишлар, қудалар ўртасидаги соғувчилик сабаблари ҳам ақсарият ҳолларда айнан шу масалага бориб тақалади. Ҳаддан зиёд кўпайиб кетаётган ва асосан, аёллар томонидан “ўйлаб топилмаётган” янгича, тўйдан олдин ҳамда кейинги турли-туман тадбир-

ларни ўтказишга йўл қўйилаётгани бот-бот такрорланмоқда.

Тахлилларга кўра, ҳар йили 300 мингдан ортиқ никоҳлар расмийлаштирилади. Шу билан бирга, 25 — 30 мингта никоҳ бекор қилинади. Хусусан, 2017 йилда 306,2 минг никоҳ расмийлаштирилган бўлса, 31 минг 930 та ажрим қайд этилган, яъни 2016 йилдагига нисбатан 8,1 фоиз кўпдир. Биргина пойтахтимиз мисолида охириги икки йилда оилавий ажримларнинг 20 — 25 фоизига айнан тўй-ҳашамларимиздаги ортиқча дабдабозлик, сохта обрў кетидан қувиш, шу билан бирга, ёшларнинг мустақил ҳаётга тайёр эмаслиги, уларда меҳр-муҳаббат ва садоқат туйғуларининг шаклланмагани сабаб бўлмоқда.

Ўзбек оиласи ўзининг чуқур маънавий-иқтисодий пойдеворига эга. Биз бу пойдеворни янада мустаҳкамлаш чора-тадбирларини қўришимиз лозим. Бузғунчилик, беаълиқ, бефарқлик разолатига ботган “оммавий маданият” гирдобидан ёшларимизни асраб, миллий қадриятларимизга асосланган аниъаналаримизни, урф-одатларимизни, маънавий меросимизни улар қалбига синдиришимиз даркор.

Токи, оила аталмиш муқаддас кўрғонимизга асло дарз кетмасин.

Гавҳар АЛИМОВА,
Ўзбекистон Республикаси
Олий Мажлиси Сенатининг
Фан, таълим ва соғлиқни сақлаш
масалалари қўмитаси раиси
ўринбосари.

Спорт

Асилбек Олимпиада йўлланмасини қўлга киритди

Шу кунларда пойтахтимизда спорт курашлари бўйича ўсмирлар ўртасида Осиё чемпионати бўлиб ўтаётди. “Ўзбекистон” спорт мажмуаси мезбонлик қилаётган қитъа мусобақаси жорий йилнинг октябр ойида Буннос-Айрес (Аргентина) шаҳрида ўтказиладиган III ёзги ўсмирлар Олимпиада уйинларига йўлланмалар тақдим этади.



Миллий олимпиада қўмитаси матбуот хизматининг хабар беришича, турнирда Хитой, Хиндистон, Эрон, Ироқ, Иордания, Япония, Қозоғистон, Қирғизистон, Жанубий Корея, Саудия Арабистони, Мўғлистон, Покистон, Сингапур, Сурия, Таиланд, Тожикистон, Туркменистон, Тайвань, Яман каби 21 давлатдан спортчилар қатнашяпти.

Таъкидлаш жоизки, уч йўналиш — эркин, юнор-рум ва аёллар кураши бўйича ўсмирлар Олимпиада уйинлари дастурига киритилган бешта вазн тоифасида чемпионликка эришган полвонлар лицензия соҳибига айланадилар.

Чемпионатнинг дастлабки кунги баҳсларида юнор-рум курашчилари совринли ўринлар учун гиламга чиқдилар. Қувонарлиси, 60 килограммгача вазнда юртимиз шарафини ҳимоя қилган Аслибек Нематов барча рақибини мағлубиятга учратди ва Осиё чемпионлиги ҳамда ўсмирлар Олимпиада уйинларига йўлланмани қўлга киритди.

Шунингдек, Амирбек Султонов (-55 кг.) ва Муҳаммадали Сайдуллаев (-110 кг.) қумуш, Аббор Атабаев (-48 кг.), Лазизхон Ўзбеков (-51 кг.) ҳамда Абборбек Нурмуҳаммедов (-92 кг.) бронза медал билан тақдирланишди.

Чемпион мuddатидан олдин аниқланди

Пойтахтимизда аёллар ўртасида шахмат бўйича мамлакат чемпионати олий лига баҳслари бўлиб ўтди.

Мусобақа голиблигига икки халқаро гроссмейстер — Гулрухбегим Қоиржонова ва Сарвиноз Қурбонбоева даъвогарлик қилаётганди.

Ўзбекистон чемпионати номи турнир яқунланишига бир тур қолганида аниқ бўлди. Сақкизинчи партияда Қоиржонова қора доналарда уйнашига қарамай, ёшлар ўртасида Осиё чемпиони Баҳора Абдулсаторовани мағлубиятга учратди ва мuddатидан аввал мамлакат чемпионига айланди.

Суннатилла ИСЛОМОВ
тайёрлади.

Ўзбек маданиятини тарғиб этаётган ёшлар

Франциянинг “Сосьете женераль”, “Ив Роше”, “Шнайдер электрик” каби нуфузли компания ҳамда ташиқлотларига фаолият кўрсатаётган ўзбек ёшлари бир вақтнинг ўзида ушбу мамлакатнинг Сорбонна, Тиллар ва цивилизациялар миллий институтини сингари етакчи таълим муассасаларида таҳсил ҳам олишади.

Фахр

Ўзбекистоннинг Париждаги элчихонасида бўлиб ўтган учрашувда хорижда ўқиб ишлаётган ёшларимизга диний-маърифий соҳаларда юртимизда бугун кечаётган ислохотлар, қўшни мамлакатлар ва жаҳон ҳамжамияти билан манфаатли ҳамкорлик, сай-

ёҳлиқни ривожлантириш борасида олиб борилаётган ишлар ҳақида мукамал маълумот берилди.

Шуниси қувонарлики, ёшларимиз, гарчи Ватандан олисда бўлса-да, юрт меҳри, қадим тарихимизга эҳтиром руҳида фаолият олиб бо-

ришаётир. Хусусан, Фаррух Йўлдошев томонидан асос солинган “Мерос” фонди ўзбек маданияти тарғиботи билан шуғулланади. Бу эса француз ёшларини мўнот адабиётимиз билан таништиришда қўл келаётган.

— Элчихонамиз кўмағида Парижда навоийхонлик тадбирини ўтказганимиз мўнотдаги иш бўлди, — дейди Фаррух мамнулик билан. — Эндиликда қадимий тарихимиз ва мўнот адабиётимиз шайдопарини миллий қадриятларимиздан хабардор этиб, ўзбек тили тўғрагини ташкил қилишни режалаштираямиз.

Учрашувда ЮНЕСКОнинг Швейцариядаги ваколатхонаси раҳбари Бобур Тўхтабоев она-Ватанимиз олдида қарздорлик ҳисси ҳақида тўқинлашиб сўзлаган бўлса, Сорбонна университети битирувчиси Феруза Каримова Лувр музейида олиб бораётган фаолияти ҳақида гапириб берди. Ҳар йили 8 миллиондан зиёд одамлар ташриф буюрадиган Луврда Феруза қизикувчиларни Ўзбекистоннинг мафтункор ва бой маданияти билан таништириб боради.

Шойим БЎТАЕВ
тайёрлади.

12 май — Халқаро ҳамширалар куни

Аҳоли саломатлигини таъминлаш масъулияти

Маълумки, ҳар йили 12 май — Халқаро ҳамширалар куни сифатида бутун дунёда кенг нишонланади. Мамлакатимизда эса ушбу сана аввалги йиллардагидан фарқли ўлароқ, Жаҳон соғлиқни сақлаш ташкилоти томонидан “Саломатлик — инсон ҳуқуқи, уни таъминлашда ҳамшираларнинг ўрни ва истикболи” шiori остида ўтказилмоқда.

Ўзбекистон Республикаси Соғлиқни сақлаш вазирлиги ҳамда соҳа ходим-

лари қасаба уюшмаси Республика кенгаши томонидан пойтахтимиздаги Алишер Навоий номидаги кино саройида ўтказилаётган илмий-амалий семинар ҳам айнан шу мавзуга бағишланди.

Тадбирда сўзга чиққанлар мамлакатимизда Президентимиз Шавкат Мирзиёев ташаббуси билан тизимда изчил амалга оширилаётган ислохотлар натижасида қўлга киритилаётган ютуқлар, янгилликлар ва бунда тиббиёт

ҳамшираларининг ўрни ҳамда вазифаси ҳақида фикр билдирди.

Тадбир доирасида иштирокчиларнинг Тошкент шаҳри ва вилоятида жойлашган тарихий обидалар, муқаддас қадамжолар, шунингдек, мустақиллик йилларида бунёд этилган замонавий иншоотларга саёҳатини ташкил этиш ҳам кўзда тутилган.

М. ХОЛМАТОВА.

Ўзбекистоннинг нефть ва газ соҳасидаги энг йирик тадбирга хуш келибсиз!

22-халқаро
ЎЗБЕКИСТОН
НЕФТЬ ва ГАЗ
кўргазмаси ҳамда анжумани

2018 йил 16 — 18 май

Ўзбекистон, Тошкент шаҳри,
«Ўзэкспомарказ» МКК АЖ, 1, 2-навильонлар ва очик майдон, «Атриум» зали.

www.oilgas.uz

OGU — нефть ва газ бозорининг барча муҳим секторларини қамраб олувчи мамлакатнинг энг йирик халқаро кўргазмаси.

Ташкилотчи:

Itessa Exhibitions
Тел.: (+998 71) 205-18-18
E-mail: ogu@ite-uzbekistan.uz

ITTE **ITTE** **ITTE**

ONLINE
РҲЙХТАДАН
ЎТИНГ

Галерея № 3853

РЕКЛАМА ВА ЭЪЛОНЛАР

«Zamin Eko Agro» корхонаси галладан бўшаган майдонларга экиш учун «NS SEME» (Сербия) компаниясида ишлаб чиқарилган сифатли ва серхосил маккажўхори ҳамда кунгабоқар уруғларини тақлиф қилади:

Маккажўхори — NS 205 F1. Эртапишар дурагай. Вегетация даври — 90 кун. Хосилдорлиги — 10 т/га.

Кунгабоқар — Душко F1. Эртапишар дурагай. Вегетация даври — 80 — 90 кун. Хосилдорлиги — 3-4 т/га.

Уруғлар синовдан ўтган, сертификатланган ва Давлат реестрига киритилган.

Муваффақият уруғларини экинг...



«ZAMIN EKO AGRO»
Тошкент ш., М-39 автомагистралли,
тел.: (+99871) 130-51-21, 755-02-55,
факс (+99871) 150-15-89.
www.zea.uz

Тошкент молия институтини ректорати ва қасаба уюшма қўмитаси «Молиявий менежмент» кафедраси доценти Фаридахон Ҳамидовага отаси **Абдулкарим НАИМЖОНОВ**нинг вафоти муносабати билан чуқур таъзия изхор этади.

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 545. 112 922 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоסי келишилган нархда.

Газетамиз ҳақидаги маълумотларни қўлаб олиш учун ОҲ-қодини телефонингиз орқали сканер қилинг:



ТЕЛЕФОНЛАР:

Девонхона (0-371) 233-52-55;

Котибият (0-371) 233-10-28; Эълолар (0-371) 232-11-15.



«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 23.50 Топширилди — 01.50 1 2 3 4 5 6